

壬辰端午祭文

古水

壬辰年四月三十 / 2012-05-20

維黃帝紀元四七〇九年，歲次玄默執徐，五月初五日，某社恭祭華夏先哲三閭大夫 屈子曰：

高陽苗裔，脩能美內。

扈被離芷，秋蘭爲佩。

樹蕙百畝，蒞時將刈。

靈脩不察，謠諑競穢。

服膺清直，縱放奚悔。

溘死流亡，初心不悖。

魂兮歸來，反故居些。

惟我三閭大夫英靈，來歆來格。

尙饗！